

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 259472 25 St
Zenica, 04.07.2025.. godine

Općinski sud u Zenici, sutkinja Marina Šapina, odlučujući u stečajnom postupku nad pravnim licem Opšta zadruga „NURAJ“ p.o. Visoko, nakon ročišta za utvrđivanje uvjeta za otvaranje stečajnog postupka održanog dana 01.07.2025.god., odlučujući o prijedlogu likvidatora Mehmeda Vranca iz Visokog, za otvaranje stečajnog postupka nad navedenim pravnim licem, kome je prisustvovao likvidator i punomoćnik povjerioca Porezna uprava F BiH , Kantonalni porezni ured Zenica Muhamed Avdić, dana 04.07.2025.godine, donosi:

R J E Š E N J E

Otvora se stečajni postupak nad imovinom pravnog lica Opšta zadruga „NURAJ“ p.o. Visoko, matični broj subjekta upisa: 43-05-0015-17, JIB: 4218982870003, dana 04.07.2025.godine, u 13,00 sati.

Za stečajnog upravitelja sa liste stečajnih upravitelja se imenuje Selma Vranac iz Visokog, Gornje Rosulje br. 44.

Pozivaju se povjerioci da u roku od 30 dana od dana objavljivanja oglasa o otvaranju stečajnog postupka u Službenim novinama F BiH, prijave svoja potraživanja koja imaju prema stečajnom dužniku podnošenjem prijave Općinskom sudu u Zenici na broj: 43 0 St 259472 25 St uz uplatu sudske takse u iznosu od 1% od vrijednosti potraživanja, ali ne manje od 50,00 KM, niti više od 10.000,00 KM na transakcijski račun budžeta ZE-DO kantona broj: 134-010-0000001672 kod ASA Banka d.d. Sarajevo, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog transakcijskog računa.

Pozivaju se povjerioci da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan četvrtak 30.09.2025. u 9,00 sati, u zgradi Općinskog suda u Zenici kancelarija br. 31/II, te se na isto pozivaju povjerioci stečajnog dužnika koji podnesu prijavu potraživanja i stečajni upravnik.

Određuje se upis zabilježbe otvaranja stečajnog postupka u Registar društava kod stečajnog dužnika koji se vodi pod MBS: 43-05-0015-17, te oznake „u stečaju“ uz naziv stečajnog

dužnika, a u rubrici „lica ovlaštena za zastupanje subjekta upisa“ umjesto imena i prezimena direktora upiše ime i prezime stečajnog upravnika.

O b r a z l o ž e n j e

Predlagatelj Opšta zadruga „NURAJ“ p.o. Visoko, zastupan po punomoćniku Mehmedu Vrancu, odvjetniku iz Visokog ovom sudu je dana 04.07.2025.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 238472 23 L od 13.03.2024. godine, pokrenut je likvidacioni postupak i za likvidatora je imenovan Mehmed Vranac, odvjetnik iz Visokog.

U likvidacionom postupku potraživanje je prijavio povjerilac Porezna uprava F BiH Kantonalni porezni ured Zenica u iznosu od 4.835,14 KM i UIO BiH iznos od 8.342,62 KM. Likvidator navedena potraživanja nije osporio, te je u svom izvještaju naveo da društvo ima imovinu procjenjene vrijednosti 6.450,00 KM, koja se sastoji od mašina i opreme za šivanje, dovoljnu za pokriće troškova stečajnog postupka pa predlaže da se spis prevede u stečaj.

Na ročištu radi ispitivanja uvjeta za otvaranje stečajnog postupka održanom dana 01.07.2025.god., likvidator je izjavio da pravno lice posjeduje imovinu procjenjene vrijednosti 6.450,00 KM, a ista se sastoji od mašina i opreme za šivanje. Od potraživanja firma kroz poslovne knjige ne iskazuje nikakve iznose. Od prijavljenih obaveza u likvidacionom postupku su prijavljene dvije obaveze, i to UIO BiH u iznos od 8.342,62 KM i Kantonalni porezni ured Zenica u iznosu od 4.835,14 KM. Obje prijave su osnovane tako da firma iskazuje obaveze u ovom postupku u iznosu od 13.177,76 KM. likvidator izjavljuje da osim prijavljenih potraživanja društvo nema drugih neizmirenih potraživanja. Obzirom na trenutno stanje stvari, firma očito posjeduje imovinu dovoljnu za pokriće troškova otvaranja i vođenja stečajnog postupka pa predlažemo sudu da isti otvori a za stečajnog upravnika da postavi Selmu Vranac.

Punomoćnik povjerioca izjavljuje da nema pitanja ni primjedbi na navode likvidatora, te je suglasan sa prijedlogom likvidatora.

Stečajni postupak je postupak cjelokupnog unovčenja stečajne mase stečajnog dužnika. Iz pismenog izvještaja privremene stečajne upraviteljice i navoda sa ročišta za ispitivanje uvjeta za otvaranje stečaja, jasno proističe platežna nesposobnost stečajnog dužnika član 6. Zakona o stečaju („Službene novine F BiH”, broj:53/21).

Kako postoji prijedlog likvidatora i utvrđeni su razlozi za otvaranje stečajnog postupka, a likvidator je ostao kod prijedloga koji je dopušten, te kako se prema izjavi likvidatora iz stečajne mase mogu namiriti troškovi stečajnog postupka, odlučeno je kao u izreci rješenja.

Sud je pored navedenog ovim rješenjem odredio dan i čas otvaranja postupka, imenovao stečajnog upravnika sa liste stečajnih upravnika, pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja i odredio i dan i čas za koji je zakazano ispitno i izvještajno ročište, a sve u skladu sa članom 104., 105., 106. Zakona o stečaju, budući da je naprijed navedeno i potrebno da sadrži rješenje o otvaranju stečajnog postupka.

Sud je naredio upis oznake „u stečaju“ uz naziv stečajnog dužnika u skladu sa članom 108. Zakona o stečaju i upis zabilježbe stečajnog postupka.

POUKA O PRAVNOM LIJEKU:
Protiv ovog rješenja stečajni dužnik
može uložiti žalbu u roku od 8 (osam)
dana po prijemu rješenja Kantonalnom
sudu Zenica, a putem ovoga suda.

Sutkinja:
Marina Šapina